

Naiz erre naiela garretan,  
Naiz zurrau, naiz untzez josi,  
Naiz bakez, naiz gerraz edo noz,  
Zur-alde gura dot bizi.

Zugaitik edo noz mundu au  
Prest nago dagidan ichi,  
Iya alan zerutik pozen bat  
Zuretzat albadait jatsi.

Nai neuke nik gastau nazan au,  
Zugaitik desegin nik nai,  
Nai neuke okerrak onduta,  
Zugandu daitezán gaur bai.

Edo bai, izate guztia  
Asarre jarriko balitz,  
Itsuok argitu daitezán;  
Gaisuok dongaro dabiltz.

Bildurdu daitezán betiko  
Kantari guztiak isi:  
Choriak emendik aurrera  
Maturik zaitzeze bizi.

Bildurdu daitezán betiko  
Azkatu bekigu lur au;  
Izarrak gabetan begiok  
Osoro eizuez tapau.

Bildurdu daitezán betiko  
Eguna biurtu linbo:  
Goisetan Eguzki zolia  
Ez al az esnatu eingo.

Zezenak, otsoak, legoiak,  
Gaiztoai burrukan ekiñ;  
Faraon gordiñak Israel,  
Ezpadau librau nai egiñ.

FELIPE ARRESE TA BEITIA.

Ochandion, 1889-ko San Iñazio egunean.

---

## AITA SANTUARI.

Zorionekoa maitallea  
Maitearen antza ikustean:  
¡Aita!... au gertatzenzait lurrean  
Zutan nere Jesús agertzean!

ANTONIO ARZÁC.

1889-an,

---